



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701


Fleury, Claude

August. Vind. [u.a.], 1781

VD18 13322648

§. LXII. Epistola Mechlinensis Archiepiscopi ad suos Diöcesanos.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)



BENEVOLE LECTOR!

Sequens §. cum in separato folio descriptus esset, ex Typographi incuria omissus est, cum autem ad Mechliniensis controversiæ, ejusque exitus cognitionem multum conferre videatur, eum ad calcem hujus Tomi subjungendum duximus.

§. LXII.

Epistola Mechliniensis Archiepiscopi ad suos Diaecesanos.

(ad Pag. 187.)

Quamprimum Mechliniensis Archipræsul Innocentii Breve receperat, mox illud promulgavit, cunctisque illius observantiam suo exemplo, datisque hisce literis inculcavit. „Innocentius XII. Pontifex Maximus pro pastoralis sua sollicitudine Ecclesiarum Belgicarum necessitatibus prospiciens, ad removendas dubitationes omnes & Cavillationes circa condemnationem quinque famosarum propositionum & præscriptam adversus eas formulam Juramenti, omnes, ad quos pertinet, certiores reddere dignatus est „Apo-

„Apostolico Brevi ad nos dato die sexta
 „Februarii ultimo elapsi, se firmiter inhæ-
 „rere constitutionibus Prædecessorum suorum
 „Innocentii X. & Alexandri VII. in quibus
 „quinque Propositiones ex libro Cornelii Jan-
 „senii, cui titulus est, Augustinus excerptæ
 „& damnatæ unacum Formulario Juramenti
 „in earundem condemnationem præstandi conti-
 „nentur, easque Constitutiones in suo robore
 „fuisse, & esse declarat. Ne vero altercatio
 „deinceps sit de sensu, quo in memorato
 „libro propositiones prænominatæ depre-
 „henduntur, addit, eas esse ex libro Jan-
 „senii excerptas in sensu obvio. Declarat præ-
 „terea, nos per constitutionem Apostolicam
 „munitos esse facultate, Formularii subscriptio-
 „nem, seu Juramentum ad praxim reducendi,
 „in quo Zelum & charitatem nobis commendat.
 „Quapropter voluimus primi omnium juxta
 „eandem formulam jurare, eique manu
 „propria subscribere, uti reipsa juravimus
 „& subscripsimus, exemplum nostrum mox
 „sequente Vicario nostro Generali, ut cæ-
 „teris inferioribus Presbyteris murmura-
 „tionum ansa præscindatur. Neque enim
 „est, cur in re tam honesta & Sedis Apo-
 „stolicæ judicio comprobata oves pudeat
 „sequi exemplum Pastoris, aut Presby-
 „teros exemplum Episcopi. Præstandum
 „autem est Juramentum juxta Formulam
 „ab Alexandro VII. præscriptam, quæ
 „hic

„hic subicitur (*) cuique nihil sive inter-
„ne addi potest, aut demi quocumque
„prætextu, sed omnes, qui ad *Juramen-*
„tum adigendi sunt illud præstare debent *sincere,*
„absque ulla distinctione, restrictione, seu expo-
„sitione, neque, alio sensu, quam obvio, quem
„ipsum *Formularii verba per se exhibent.* Si
„quis aliter jurare præsumpserit, hominibus
„forte illudere poterit, sed non Deo, qui
„scrutatur corda, & horrendum perjurii
„crimen non patietur impunitum: Datum
„Bruxellis die Junii 1694.

(*) *Ego N. Constitutioni Apostolicæ Innoc. X.*
datæ die 31. Maij 1653. Constitutioni
Alexandri VII. datæ 16. Octobr. 1656.
summorum Pontificum me subicio, &
quinque propositiones ex Cornelii Jansenii
libro, cui nomen: Augustinus, excerptas,
& in sensu ab eodem Authore intento,
prout illas per dictas Constitutiones Sedes
Apostolica damnavit, sincero animo re-
jicio, ac damno, & ita juro, sic me Deus
adjuvet, & hæc sancta Dei Evangelia.

NOTAN-